

EUROPOL TA E CABAY DI TROYA MAXIMO

ORANJESTAD(AAN): Despues di Ley di Extradicion, Ley di MOT, Kustwacht, Technisch Bijstand awor ta Europol ta e otro cabay di Troya cu ta worde pusha riba Aruba y Antiyas.

Ministro Dijkstal a bin Aruba y el a papia na un manera masha directo mes, cu a impones hopi hende pasobra ta masha poco mandatario Hulandes ta bisa cosnan manera nan ta.

Pero awor ta bin sali afor cu Ministro Dijkstal ta papia cu dos cara, pasobra na Curacao el a bisa algo totalmente diferente cu loke el a declara na Aruba.

Na Aruba Ministro Dijkstal a crea e impresion cu partnernan den Reino mester haya mas autonomia, pa asina nan mes por regla mayoria di nan asuntonan, pero esaki tabata otro cabay di Troya, pasobra tras di su palabranan bunita tabata tin un colebra scondi.

E colebra ta Europol, cual mester bay bira e instancia cu mester caba cu Cuerpo Policial di Aruba y Antiyas.

Manera cu Marina Real y gobierno Hulandes ta cabando cu Arumil, mescos awor Hulanda kier bula cabez di Polisnan na Aruba.

DIARIO a adverti na mas cu un ocasion cu e politica cu Hulanda ta hibando, ta muestra den direccion cu Aruba y Antiyas ta worde re colonialisa.

Na Curacao un grupo "Sakado" a lanta, cu a cuminsa basha abao riba gobierno Hulandes pasobra na Curacao tambe nan a cuminsa ripara, con Hulanda ta hincando nan den un Pijnbank mescos cu

Marihuana Hulandes cultiva na Hulanda ta un producto di exportacion grandi pa Hulanda, cu ta trese mionones di Florin pa Hulanda tur aña.

Ta un hipocrecia di marca mayor cu awor na Aruba y Antiyas Hulanda kier impone un Europol cu mester bay caba cu tur Polis local.

Polisnan Hulandes lo bay tuma over poco poco, pa asina rempaza Polisnan local y si esaki no ta Re colonialisacion anto ta con Ministro

Dijkstal Y Voorhoeve ta yama esaki?*

Na Curacao cos a cuminsa broei mescos cu na Sint Maarten y no lo dura mucho cu Hulanda lo bay sinti mas calor di pueblonan cu lo lanta para y bisa ta basta y cu lo pone nan bisa na Den Haag: 'Het is roert in de West'.

Na Indonesia nan a comete un eror gandi door di kere cu siglonan pasa durante VOC y Coloniale Raad.

Curacao no kier bay bek den e tempo di Tula y Carpata y na Aruba tampoco e pueblo kier bay bek den e tempo, cu Macambanan tabata cana cu nan Tropicenhelm bisti y e palo bao di nan braza, cu cual nan tabata dicta y parti sla momentonan cu nan tabata ta haya ta bon.

Aruba y Antiyas mester bay haya supuestamente un instancia cu yama Europol, cu mester bay yuda Polis di Aruba y Antiyas den combatiendo di criminalidad cu ta traspasa fronteranan internacional.

Na Hulanda mes tur sorto di organisacionnan di Narco Traficantenan ta pasando droga na gran cantidad pa Alemania, Belgica, Francia, Luxemburgo, Dinamarca, Inglatera y demas paisnan y Husticia Hulandes te awe no por para esaki.

Awor ta na Aruba y Antiyas Polis Hulandes mester bin para criminalidad cu nan mes no por para den nan mesun pais.

Alemania y Francia ta bahando pisa riba Hulanda y te hasta nan kier sera nan fronteranan liber cu Hulanda, pasobra nan ta harta di droga cu ta pasa di Hulanda pa nan pais.

Francia no tin frontera cu Hulanda y asina mes Francia ta worde envadi door di droga cu ta procedente di Hulanda.

Francesnan cu no por warda te ora cu e droga yega di Hulanda pa Francia, ta sali di Francia pa asina bay cu auto te Hulanda pa busca droga.

Hulanda ta e pais na Europa cu ta exporta mas droga cu cualkier otro pais.

e pueblo di Indonesia lo kier a keda bao di e dominio colonial Hulandes y esaki a resulta den un guerra sushi caminda Hulanda a haci su mes culpabel di actonan di crimen di guerra, cu te awe no a worde persigi internacionalmente.


Polis Hulandes a laga mas di 400.000 kilo di droga subi

mercado na Hulanda y Europa y ta tipo di Polisnan asina mester bin bula cabez di Polisnan local?

Kende ta garantis e pueblonan di Aruba y Antiyas cu e Polisnan cu nan kier manda di Hulanda pa aki, cu nan no ta e mesun Polisnan corrupto cu tabata laga droga pasa frontera di Hulanda?

Aruba y Antiyas tin yiunan di tera Polis cu sa bon con pa haci nan trabao y ta pesey gobierno di Aruba y Antiyas mester para firme y nenga di acepta Europol.

E nomber mes ta papia idioma cla: Europol y no Arupol o Antipol o Caribe-pol, Europol ta pa Europa y no pa Aruba y Antiyas!



Rolly Bisslik

Parlamentario Rolly Bisslik:

MERCA Y HULANDA MESTER "RUIM OP" NA NAN PAIS PROMER CU BIN EXIGI DI ARUBA

ORANJESTAD(AAN) -- Parlamentario Rolly Bisslik a muestra ariba e criticanan cu ta reina den pueblo pa cu e imponencia di Hulanda ariba maneho pa cu droga.

Bisslik a señala cu full rond Europa ta muestra dede ariba Hulanda su maneho pa cu droga.

E Parlamentario ta di opinion cu si bo kier drecha e situacion, bo mester cuminsa na bo cas.

Hulanda ta impone pa extradita nos hende pa Merca si Merca ta existi esaki.

Pakico Hulanda y Merca no ta cuminsa "ruim op de

boel" na nan pais promer. Merca ta pidi pa extradita pero ta lubida cu den su mes cas tin e hendenan di mas grandi cu ta cumpira e droga. Pakico Merca no ta deshaci di e hendenan aki???

Ta masha hopi comentario por a scucha caba ariba e ley di extradicion. Paisnan vecino esta Venezuela ta completamente contra pa extradita su mesun yiu di tera pa un otro pais.

Pakico Merca no ta manda un delegacion y aki na Aruba ta trata e caso caminda e yiu di tera ta worde sentencia aki y si

keda proba e ta sinta su castigo aki.

Pakico mester laga un yiu di tera bay un pais, caminda e no conoce su derechonan.

Hulanda y Merca mester stop di impone ariba otro paisnan y cuminsa drecha e situacion den nan mesun cas.

Mayan lo tuma lugar e apertura di guarda costa pa combati droga y asina garantis futuro di nos yiunan. Bisslik ta spera cu guarda costa Hulandes lo haci un bon trabao ya cu esaki lo ta un alivio pa e pueblo.

SS MONTEREY PA PROME BIAHA DEN NOS HAF DI ORANJESTAD



ORANJESTAD (AAN): Pa prome biaha den haaf di Oranjestad, nos tabatin e bapor di turista italiano SS Monterey, di e compania Mediterraneo Shipping Co. S.A.

E bapor ta haciendo un gira den Caribe di 37 dia, saliendo di Buenos Aires, Argentina, via diferente

haafnan na Brazil, siguiendo su viahe pa Trinidad, Venezuela, Aruba y despues pa Republica Dominicana, y continuando asina su tripnan pa diferente otro isla.

E doño, sr. Aponte, tin actualmente 70 bapor di carga y crucero. E capitán Francisco Scarpati, a ricibi for di sr. Estrada un plakaat

den nomber di Gobierno, tambe e capitán a ricibi un bunita regalo for di Paul van Niel (ARMA), y na e ocasion aki tabatin presente srta. Sofia Hernandez, Antonio Ruiz di Douane, Kock y Burleson di Haven Immigratie, Antonio Leo di ATA, y oficialnan di e bapor, srta. D'Ambrosio, y Caetano Ferrone y Jeano Bonato.